

**Nivaap imartaata itisilernissaanut 2023-mi misissueqqissaarnissamut Naalakkersuisut peqquneqarnissaannik Inatsisartut aalajangiiffingisassaattut siunnersuut.**

(Inatsisartunut ilaasorta q Kristian Jeremiassen, Inuit Ataqatigiit)

**Akissuteqaat**

(Ineqarnermut Attaveqaasersuutinullu Naalakkersuisoq)

**Aappassaaneerpeqarnera**

Aallarniutigalugu Sanaartornermut Ataatsimiititaliap immikkoortumik peqqissaartumik suliqaarsimaneranut, siunnersuummullu matumunnga isumaliutissiissutaanut Naalakkersuisut qujapput.

Naalakkersuisut allanguutissatut siunnersuutigisaat pillugu Sanaartornermut Ataatsimiititaliami ilaasortat tamarmiullutik tapersersormassuk nuannerpoq.

Kalaallit Nunaata sineriaani isumannaannerusunik, orsussamillu atuinikinnerulersitsisunik angallavinnik pilersitsisoqarnissaa pillugu siuariartortoqassasoq, Sanaartornermut Ataatsimiititaliap Naalakkersuisullu kissaatigaat. Taamaakkaluartoq Naalakkersuisut ersarilluinnartumik isumaqarput, ikerasaliassat pillugit suliniutit aningaasalersorneqarnissaanni imarsiornermi attaveqaasersuutinut tamakkiisumik pingaarnersiuneq eqqarsaatigineqassasoq.

2022-mi januaarimi ataqatigiissaarilluni ataatsimiinnermi ajornartorsiut tamanna oqaluuserineqarsimanersoq, Sanaartornermut Ataatsimiititaliap isumaliutissiissutaani apeqqutigineqarpoq.

Ikerasaliat kommuninut tamanut attuumassuteqanngimmata, 2022-mi januaarimi Ataqatigiissaaraluni ataatsimiinnermi Naalakkersuisut nunatsinni borgmesterit tamaasa peqatigalugit ajornartorsiut eqqartunngilaat. Ataqatigiissaaraluni ataatsimiinnermi sammisaq oqaluuserineqarsinnaassappat, sammisaq kommuninut tamanut attuumassuteqassasoq piunasaqaataavoq.

Tamanna pillugu upernaakkut ataatsimiinnisaaq sioqqullugu, ikerasalianut tunngatillugu kommunit attuumassuteqartut Naalakkersuisut ataatsimeeqatiginiarpaat.

Ikerasaliat, ikerasiallullu aserfallatsaaliorneqarnissaat kommunit imaluunniit Namminersorlutik Oqartussat suliassarineraat suli erseqqissaatigineqarnikuunngilaq. Sanaartornermut Ataatsimiititaliap Naalakkersuisullu isumaqarput, Naalakkersuisut kommuninik tamanik suleqateqarlutik akisussaaffimmik qulaajaagunik naleqqutissasoq.

Kommunit ikerasaliortitsinissaminnik kissaateqartut tassunga atatillugu tusaaniarneqassammata, kommunit pineqartut Naalakkersuisunik oqaloqateqarnissaat Naalakkersuisunut pingaaruteqarpoq.

Taamaattumik oqalliluarnermut Inatsisartut qutsavigaakka, taamatullu oqaaseqarlunga allannguutissatut siunnersuut saqqummiunneqartoq akuersissutigineqassasoq Naalakkersuisut sinnerlugit inassutigaa.